

霞玉性紅一氣周流清淨體萬神齊會絳霄宮迴顏換質無衰

老開化人天正祖宗

請惠先生修殿

惠仙能辨古今文師曠深聞性不昏學我逍遙觀寶月願君猛烈斷根塵兩朝聖帝開仙路一舉玄科享道恩四大隨緣遊陸地闡揚清淨好家風

贈日照縣水車灌會眾

水車灌出道芽新漸吐靈光透紫宸二氣根元成造化滿天枝葉拂星辰玲瓏霞彩通三界踴躍圓明出六塵結就本來真面目因師開發悟全真

道藏輯要

雲光集

士

胃集九
四月四

贈安邱縣令

安邱山水最清明特感忘良治此城和睦人民天地喜豐收田斛廩倉盈因公正直無私曲是處歌歡樂太平助國愛民功就日好窮道德了前程

公姑問修行

公姑皆說道心濃不可奢華謾落空且悟真修忘彼我勿令外覓走西東氣神欲得朝元海猿馬須教鎖絳宮統攝羣魔無障礙逍遙自在了仙功

贈文山劉彥充王仁美興丹霞觀

彥充仁美名高明起建丹霞志轉新東海文山真古跡西秦師

祖舊良因周全外行念
真混合玄功出世塵更把浮華都一
擊迴頭便作箇中人

贈關西呂清元充海威儀

清居甯海列冠裳絕頂達壺是故鄉密考丹經窮造化安存靈
物免悲傷焚香祝壽功無失報德酬恩道自昌動靜應和天地
理他時雲步禮虛皇

寄萊陽宋二先生

書寄萊陽宋二仙舊人弔事必精專邇因幾處修齋醮速可同
來結勝緣莫把勤勞如世務須知清淨種金蓮全真內外功圓
聚萬里迴光透碧天

道藏輯要

雲光集

主

胃集九

買查山上清觀

東方雲海訪諸公各願丹成立祖宗三界十方通一化普天眾
聖演真空皇后土垂洪福吉事遐齡表善功拯救人倫弘大
道遞相開度好家風

示嚴

修真法會信深洪布祝先天大道通無內化生閑活計有中變
鍊好家風清音厯厯衝雲漢玉性靈靈話正宗傳報世間明子
細東方雲海證圓融

贈李節判明威二首

旣叩吾門訪道流勿令愚昧度春秋日魂月魄依時取汞髓鉛